

1974

KUALA LUMPUR, 5 JULAI (BERNAMA-BP) - SYARIKAT PERUSAHAAN MAKANAN MALAYSIA SENDIRIAN BERHAD (FIMA) YANG MEMASARKAN MENAS TIN BERNILAI KIRA-KIRA \$4 JUTA DI AMERIKA BERHARAP MENAMBAH LAGI JUALANNYA SETELAH MELANTIK SYARIKAT MITSUI (USA) NEW YORK, SEBAGAI WAKIL TUNGGALNYA.

PERJANJIAN ANTARA KEDUA SYARIKAT TERSEBUT TELAH DISAHKAN DISINI HARI INI.

PENGERUSI FIMA, SENATOR DR. MAHATHIR MOHAMED, DALAM UCAPANNYA BERKATA PERKONGSIAN ITU BERMULA BULAN INI DENGAN KIRIMAN PERTAMA MENAS TIN BERNILAI \$1.6 JUTA.

PENGURUS BESAR MITSUI DI SINGAPURA, ENCIK T. ISOBÉ BERKATA, ADALAH MENJADI DASAR SYARIKATNYA UNTUK MEMBANTU NEGARA-NEGARA MEMBANGUN MEMAJUKAN PERUSAHAAN SERTA EKSPOTNYA.

DR. MAHATHIR KEMUDIAN MEMBERITAHU PARA PEMBERITA, FIMA YANG HANYA MENJUAL MENAS TIN DI AMERIKA MUNGKIN MENJUAL LAIN-LAIN BARANGNYA MELALUI MITSUI NEW YORK JIKA PERATURAN SEKARANG INI MEMUASKAN.

SEBELUM INI CAWANGAN FIMA DI NEW YORK - FIMA INCORPORATED OF NEW YORK - MENGURUSKAN PEMASARAN MENASNYA DI AMERIKA SYARIKAT.

INI TELAH DIPINDAHKAN KEPADA MITSUI YANG MEMBAYAR \$175,000 KEPADA CAWANGAN FIMA NEW YORK KERANA PERJANJIAN TERSEBUT.

MITSUI JUGA SETUJU MELATEH KAKITANGAN FIMA DI SEMUA LAPANGAN.

5/11  
MENYENTUH TENTANG PENGELUARAN MENAS TIN, DR. MAHATHIR BERKATA, WALAUPUN TERDAPAT KESULITAN PEMASARAN, PENGELUARAN DIJANGKA BERTAMBAH KEPADA 1.4 JUTA KOTAK BERBANDING DENGAN 1.2 JUTA KOTAK TAHUN LALU.

WALAUPUN EKSPOT MENAS TIN MALAYSIA KE PASARAN BERSAMA EUROPAH DIKENAKAN TARIF 4-1/2 PERATUS, JUMLAHNYA DALAM ENAM BULAN LALU TELAH BERTAMBAH.

DENGAN KEMASUKAN BRITAIN KE PASARAN BERSAMA, TARIF TERSEBUT AKAN NAIK PADA KADAR 4-1/2 PERATUS SETAHUN SEHINGGA 24 PERATUS.

) UNTUK MENGURANGKAN KESANNYA, FIMA CUBA MENGURANGKAN KOS PENGELUARAN SERTA MENINGGIKAN MUTUNYA.

MENGENAI PELABURAN DR. MAHATHIR BERKATA, FIMA SETAKAT INI TELAH MELABUR \$15 JUTA SELAIN DARI KILANG PENGETIN MENAS MALAYA YANG DIMILIKINYA ITU.

KATANYA, PERBINCANGAN TELAH DIADAKAN DENGAN KUMPULAN MITSUI TENTANG KEMUNGKINAN USAHASAMA DALAM PERUSAHAAN MENANGKAP IKAN DILAUT DALAM TETAPI BELUM MENCAPAI KEPUTUSAN LAGI.

DIUPACARA TERSEBUT, ENCIK ISOBÉ JUGA TELAH MENYERAHKAN CEK BERNILAI \$3,000 UNTUK MEMBELI BUKU-BUKU PERPUSTAKAAN SEKOLAH-SEKOLAH. -- BERNAMA -- BR 2226/AZ

187